

Matunda ya Kujikana Nafsi

Basi, mlapo, au mnywapo, au mtendapo neno lo lote, fanyeni yote kwa utukufu wa Mungu—1 Wakorintho 10:31.

Huwezi kutambua madai ambayo Bwana anayo juu yako. Bado hujapata uzoefu wa utamu wa matokeo ya kujikana nafsi. Matunda yake ni matakatifu.... Badala ya kununua vitu visivyo na maana, weka fedha yako kidogo katika benki ya mbinguni, ili kwamba Bwana ajapo uweze kupokea vyote mtaji na faida....

Dini iliyo safi na isiyo najisiwa, pamoja na kanuni zake imara, itakuthibitishia usalama. Ili kutambua hatima kuu ya maisha lazima uepoke mifano ya wale wanaotafuta kwa ajili yao wenyewe starehe na burudani na ambao hawana hofu ya Mungu mbele yao. Mungu amekupatia mahitaji ya kutosha kabisa. Amevitoe hivyo ili kwamba ikiwa utakubaliana na masharti yaliyowekwa katika Neno Lake na kujitenga na ulimwengu, uweze kupokea nguvu kutoka Kwake ili kukomesha mivuto yote iharibuyo na kukuza kile kilicho cha uadilifu, chema na kinachoinua hadhi. Yesu atakuwa ndani yako “chemchemi ya maji, yakibubujikia uzima wa milele.” Nia, akili na kila hisia, vinapotawaliwa na dini, vinakuwa na nguvu ibadilishayo.

“Basi, mlapo, au mnywapo, au mtendapo neno lo lote, fanyeni yote kwa utukufu wa Mungu.” Ifuatayo ni kanuni ambayo ni msingi wa kila tendo, wazo na nia; uwekaji wakfu wa kiumbe chochote, kimwili na kiakili, chini ya utawala wa Roho wa Mungu. Dhamiri na nia isiyotakaswa ni lazima visulubishwe. Hii inaweza kuchukuliwa kuwa kazi ngumu na ya kujinyima. Lakini ni lazima ifanyike, vinginevyo utasikia hukumu ya kutisha kutoka kinywani mwa Yesu: “Ondokeni.” Unayaweza mambo yote katika Yesu akutiaye nguvu. Wewe ni wa rika lile ambalo nia, shauku ya chakula na mihemko hutaka sana ikutawale. Mungu ameyaweka haya katika asili yako kwa ajili ya makusudi ya juu na matakatifu. Si lazima kwamba yawe laana kwako kukufanya udhoofishwe.

Yatakuwa hivi tu pale unapokataa kujisalimisha kwenye uongozi wa ukweli na dhamira. Kujinyima, kujikana ni maneno na matendo ambayo hauna uzoefu nayo. Majaribu yamekuyumbisha. Akili isiyotakaswa haiwezi kupokea nguvu hiyo na faraja ambayo Mungu ameitoa kwa ajili yao. Wamejawa na wahaka na wana shauku kali kwa ajili ya kitu kipya, kitu cha kufurahisha, kuvutia au kuchangamsha akili; na hii inaitwa starehe. Shetani ana uchawi ushawishio ili kushughulisha na kulisimua fikra za vijana haswa, ili aweze kuwafunga kwenye mtego wake.... Unahitaji kuomba kwa bidii: “Eh Bwana, badilisha utu wangu wa ndani.” Unaweza kuwa na mvuto kwa wema kwa vijana wadogo.... Mungu wa Amani na akutakase kabisa, nafsi, mwili na roho (**Testimonies for the Church 3:83, 84**).